



UNIVERSITÄTS-
BIBLIOTHEK
PADERBORN

Universitätsbibliothek Paderborn

Brevis Institutio De Salvatri Poenitentia Peccatoris

Viexmont, Claude de

Coloniae Agr., 1725

VD18 1361598X

Cap. II. Quòd is apud homines timere non debet confusionem, qui apud
Deum vult in[u]enire gratiam.

[urn:nbn:de:hbz:466:1-50113](#)

Restituens
alienum,
se à diabolo
cripit.

Hæredita-
tem cæle-
stem recu-
perat.

Seneca de
fama.
Male au-
tem de te
opinantur
homines,
sed mali.
Moueret, si
de me Ma-
ritis, si Cato,
si Lælius sa-
piens, si al-
ter Cato, si
Scipiones
duo ista
loquerén-
tur. Moue-
ret, si hoc iu-
dicio face-
rent, quod
nunc mor-
bo faciunt.
Conscia
mens recti
vulgi men-
dacia tident.
Displicuisse
bonis non
est infamia
parua.

Itaque, frater charissime, bona peritura abs
te abiice, & alienum, quod iniuste detines, vero
Domino redde, proximo sua restitue, vt Deo
restituaris: redde, vt reddaris: ne tandem &
bona temporalia perdas: & animæ tuæ æter-
nam damnationem inuenias. Nunquam per-
uenies ad cælestem beatitudinem, nisi restituis
vsque ad nouissimum quadrantem. Regnum
cælorum tibi à Domino promissum prius non
habebis, quam proximo tuo quod suum est re-
stitueris: per hoc peruenies ad propria, si in-
tegrè reddideris aliena.

QVOD IS APVD HOMINES
TIMERE NON DEBET CONFE-
SIONEM, QVI APVD DEVUM
VVLT INVENIRE
GRATIAM.

CAP. II.

AT dixeris, Si in integrum restituo, &
aliis plenè satisfecero, pauperior fa-
ctus, non potero pristinos sumptus fer-
re & tolerare, nec tantam vt priùs clientelam
alere: vnde aliis diues vt priùs non apparebo:
quod si fieret, qualis de me in populo sermo
ellet? omnibus certè essem ridiculus. R. Ma-
lè de te loquentur homines, frater charissime,
sed mali tantùm: qui plerunque eos in sub-
sannatione habent, quos imitari deberent, &
qui virtutem, quam non sectantur, vituperant,
vitia verò, quæ amplectuntur, collaudant, si id
recto iudicio facerent, & non potius animi vi-
tio,

tio, recte deberes moueri. Vera illa laus est, non ab illaudatis, sed à viris laudatis collaudi.

Displieuisse
malis su-
spicione
caret.

Verùm obstinationi tuæ concedamus, quòd etiam bonis viris futurus sis ridiculus: Ne sic quidem debes hominum fabulis & irrisiōibus deterri, & à iustitia auocari; non enim de gehennæ ignibus hominum fabulae te liberare poterunt, sed tantum Dei timor atque iustitia te inde liberabunt. Seu lauderis, seu vituperaris, ad mentem semper recurre. Si in ea non inuenis bonum, de quo laudaris, miserandus es magis quam mirandus: si in ea non inuenitur malum, de quo vituperaris, in Domino tibi est gaudendum, & de aliorum subsannatione pa- rum curandum. Quid enim, si homines laudent, & conscientia accuset? aut quæ debet esse tri- stitia, si omnes accusent, & sola conscientia te liberum demonstret? Gloria nostra (inquit Paulus) hæc est, testimonium conscientiæ nostræ. Item Job, Ecce in cælo testis meus, & conscius meus in excelsis. Judiciis hominum cur mo- ueris, qui stare supra te Deum iudicem noue- ris? si tibi est testis in cælo, testis in corde, stultos foris loqui quod volunt, dimitte.

Dum coram hominibus gloriam quæris, placere ei, qui te de cælo conspicit, negligis: si hominibus vis placere, Christi seruus non potes esse. Quid vilius? quid esse potest abie- ctius, quam apud homines seruare gloriam & honorem, & ante supremi Iudicis oculos non timere confusione & ignominiam? Plus ser- uire vis hominum oculo, quam Deo: plus ti-

D mes

riam, quam mes humanam verecundiam, quam Dei offendit
 perpetuam. Deilaudem. sam: plus amas laudem extrinsecam, quam
 Sepulchrum de- intrinsecam mentis pacem & conscientiae pu-
 albatum rritatem. Apud homines vis videri nitidus,
 volunt qui- cum apud te sis fætidus: foris vis videri di-
 dam videris; ues, cum intus sis pauper: foris plenus, in-
 Foris serui Dei, cum in- tuis vacuus: foris vestitus, intus nudus: foris
 tuis fint ser- comptus, intus sordidus: foris dominus, intus
 ui diaboli. seruus: foris seruus Dei, intus seruus diaboli: foris
 homo, intus brutum: foris sanctus, intus ex-
 crabibilis & Deo exosus. Si gloriam concupisceres

Chrysost.
 Quicunque desiderat primatum cælestem, se sequatur humilitatem terrestrem; non enim qui maior, sed qui iustior, ille maior.

Vana apud homines gloria quam labilis est.

Adulari pessimum.
Hieronym. in epist.
 Non est di- gnus, ut in- de exiges honorem, vnde refu- gis laborem.

in cælis, opprobrium non timeres in terris: v- nusquisque vbi querit gloriam, ibi timet con- fusionem. Quid tibi proderit, si te continuis laudibus totus mundus extollat: cum malam conscientiam non sanet laudantis præconium, nec bonam vulneret conuiciantis opprobrium? Quid tibi post mortem proderit mundana glo- ria, si in inferno, vbi eris, ignominiose torque- beris, & in mundo, vbi non eris, laudibus ex- tolleris?

Stultum tibi est tui pretium de hominum opinione metiri: quibus in manu est simul atque ipsis placuerit, hoc ipsum honoris quod largiuntur, rursus auferre, ac te modò honestatum dehonestare, quoniam in eorum labiis gloriam tuam posuisti, modò magnus eris, modò patuus, modò nullus: secundum quod adulantum linguis placuerit, te vel vi- tuperare, vel laudare, gloria fugit eam sequen- tem, & sequitur eam fugientem. Vnicus ho- nor, & homini Christiano expetendus, est, non ab hominibus, sed à Deo collaudari. Si hu-

POENITENTIAM.

51

manam gloriam contempseris, secura tibi erit à Deo gloria: eam seruabit viuo, restituet defuncto. Indignum est te Christianum Christi imitatem aliorum risu & subsannatione affici, & ob id à bono opere auocari: cùm Dominum Deum nostrum ab huiusmodi hominibus non ignores irritum. Si enim patrem familias Beelzebub vocauerunt, quantò magis domesticos eius? Christus vanos hominum rumores contemnens oblatam regni gloriam fugit, ignominiosam crucis mortem appetiuit: & cùm filius Dei esset, filius fabri vocatus est, transgressor legis, seductor populi, blasphema- tor Dei, vorax & potator vini, peccatorum & publicanorum amicus: Tu verò vilis vermiculus hominum pertimescis opprobria, pro quo Deus maiestatis & Dominus Sabaoth tanta ab hominibus pertulit conuicia? times displicere hominibus, quibus pro te displicuit Christus? vis in mundo glriosus videri, ubi Christus protè voluit rideri? Christus à Iudæis illusus est, & tu vis honorari? vis pretiosis indui vestibus, & Christus à Iudæis vestibus ignominiosus est indutus, & in cruce pro te pependit nudus?

Non est discipulus super magistrum, nec seruus super dominum: sufficere debet discipulo, vt sit sicut magister eius, & seruo, sicut dominus eius. Quid igitur superbis terra & ci- nis? quid veste pretiosa gloriatis? subter te sternetur tinea, & operimentum tuum erunt vermes. Sed quid es pretiosè ornatus: nisi sepulchrum foris dealbatum, intus autem spur-

Christus fuit
deritus.Filius Dei
est filius fa-
bri dictus.
Ioan. 6.
Matth. 12.Matth. 10.
Non est
Discipulus
supra suum
magistrum.
Vestium
luxus.

Esa. 14.

D 2

citia

citia plenum? quamlibet pretiosis vestibus induatur caro, quid aliud est quam caro? id est, quam sperma fœtidum, quam saccus sterorum, quam esca vermium? caro resoluitur in putredinem, putedro in vermem, vermis in puluerem.

Carnis vili-
tas.
Nil huma-
no cadauere
fœtidius.
Quid homo,
& quam vi-
lis & fœti-
dus.

Quid fœtidius humano cadauere? quid terribilis mortuo homine? cuius erat in vita gratissimus amplexus, sit in morte grauis-

simus aspectus. Lutum es ex ipsa origine, fauna ex vitæ breuitate, & cinis ex mortis conditione: sicut ignis stupam velociter redigit in fauillam, sic mors te cum tua gloria citò rediget in cinerem.

Corporis
humani vi-
litas & nu-
ditas
Vestes eru-
bescendam
tegunt nu-
ditatem.

O si attentè perpenderes, quid secundum corpus tuum es, de pretiositate vestium statim erubesceres: & vestimenta haberes non ad decorum visionis, nec ad mollitiem aut delectationem carnis, sed ad tegumentum nuditatis. Nam sicut soli pro ueste sufficit splendor sui luminis, & rosæ, ornatus sui candoris: ita & ante peccatum homo non indigebat vestimento, sed ei sufficiebat propria pulchritudo. Per peccatum verò deuenit in turpitudinem, & nuditatis suæ erubescientiam: unde vestimento opus habuit, vt ea tegeret, non vt inde superbiret. Non habes igitur in vestimentis tuis materiam gloriandi, sed potius occasionem erubescendi: sicut nec cedit ad gloriam loripidis, quod pedem habeat ligneum, qui ei tantum est ad infirmitatis suæ supplementum. Qui superbis ex pretiositate vestimentorum, es velut ægrotus superbiens ex varietate medicamentorum. Cum saccus boni frumenti, com-

peten-

petenter ligatus sit fune vnius oboli: & ad ligandum vas vini pretiosi, sufficiente lignei circuli: non modica stultitia est ad ligandum ventris tui vas immunditiis plenum, aureum aut argenteum appetere cingulum. Exterioris hominis ornamenta quanto plus appetuntur, tanto sunt interioris hominis maiora detraimenta: vicissim quanto magis contemnuntur, tanto sunt interioris hominis maiora ornamenta. Qui superba vestimenta requiris, cogitationes humiles habere nequis.

Si pretiosarum vestium luxus culpa non esset, nequaquam Dominus de vestis asperitate præcursorum suum laudasset: nequaquam tam expresse exprimeret, quod diues, qui apud inferos torquebatur, purpura & byssō indebatur: nequaquam Paulus Apostolus per epistolam fœminas à pretiosarum vestium appetitu prohiberet, dicens: Non in tortis crinibus, aut auro, aut margaritis, vel veste pretiosa. Perpende igitur, quanta culpa sit te virum hoc appetere, à quo curauit pastor ecclesiæ etiam fœminas prohibere. Non enim Dominus honestatem corporis, sed pulchritudinem requirit mentis.

Pretiosas istas vestes, velis nolis, in morte relinquas, nudus egressus es de vtero tuæ matris, nudus etiam illuc reverteris: solus transibis in illo tramite, sola opera seu bona seu mala sequentur te: vbi tunc erunt vestes tuæ pretiosæ? vbi affeclarum turbæ? vbi famulorum frequentia? aderitne eorum aliquis, qui

Augustinus.
Non affectu-
tis placere
vestibus, sed
moribus,

Famulorum
frequentia
in morte
relinquitur.

Mors æquo
pede omni-
um fores
pullat,
et sceptra
ligonibus
æquat.

Matth. 20.

Gratia Dei
hominum
tumoribus
preferenda.

Raptores
sepius sunt
egeni.

te eripiat de manu Dei viuentis? qui te è la-
queo venantium eximat, & qui te saluum fa-
ciat? Quid tunc ex eorum dominio lucraberis?
an quia hic multorum Dominus extiteris, illic
à Rege regum, & Domino dominantium quid
plus habebis? Deus qui nullam personam ac-
ceptat, omnia opera æqua lance examinat: re-
gem non præponit pauperi, nec pauperem
postponit regi: quinimo secundum vniusu-
iusque opera sua, vnicuique merces est con-
stituta: illic fiunt nouissimi primi, & primi no-
uissimi.

Itaque, frater charissime, Deum time, &
homines non timebis: nec committas, vt dum
hominum vis captare fauorem, Dei incurras
offensam: vt dum hominum vis placere ocu-
lis, apud Deum & te ipsum sis execrabilis. Non
te à restitutione facienda vanus hominum ru-
mor arceat, Dei timor omnem humanam ve-
recundiam à te abigat. Longè præstat homi-
nibus displicere, vt Deo placeas: quam homi-
nibus placere, vt Deo displiceas.

QVOD DEI GRATIA TEMPO- RALIBVS BONIS EST PRAEFERENDA.

CAP. III.

AT dixeris: Si in integrum restituero, tan-
dem pauper & mendicus fieri pertime-
sco. R. Imò audeo dicere, frater cha-
rissime, quòd, iuxta illud Proverb. 24. Qui
dat pauperi, non indigebit: qui despicit depre-
can-